

- pace summa fruictur et quiete mentis.
- 6 Ibi pulchritudinem vidi domus dei,
ipsum tamen oculi non videre mei:
nam divine tantus est splendor faciei,
quod mirantur angeli, qui ministrant ei.
- 7 Hic nec Arist(otile)m vidi nec Homerum,
tamen de sentenciis nominum et rerum,
de naturis generum atque specierum
magnus mihi protulit Augustinus verum.
- 8 Post hec ad archangelum loquens Michaelem,
qui regit per angelos populum fidelem,
ab eo sum monitus, ut secreta celem
et celi consilia nemini revelem.
- 9 Vnde quamvis cernerem de futuris multa,
que sunt intellectibus hominum sepulta,
celi tamen prodere videor occulta;
tu vero ne timeas, presul, sed exulta.
- 10 *Tibi deputatus est unus angelorum,*
super omnes alios habet is decorum,
sicut tu virtutibus operum clarorum
meritis preradias omnium proborum.
- 11 Hujus ope prelia te viciisse scias,
ut des deo gloriam, non superbus fias,
tui dux itineris est per omnes vias,
de tuis excessibus preces fundens pias.
- 12 Per hunc regnum Siculi fiet tui juris,
ad radicem arboris ponitur securis,
tyrannus extollitur, et est sine curis,
sed ejus inferitus venit instar furis.
- 13 Nolo tibi denique nimium blandiri
neque meo domino blandiens mentiri,
nemo potest adeo mundus inveniri,
ut sit sine macula mens et actus viri.
- 14 Ille sanctus inclitus gemma sacerdotum,

6, 3 am rand: propinaculum, was ich nicht fasse, auch wenn man propinnaculum ändert; es hat aber mit dem texte nichts zu schaffen. geht auf 6, 4: qui ministrant ei

11, 1 siege in den Jahren 1158, 1162, 1166, 1167 erfochten.

14, 1 er meint den h. Martinus, vgl. str. 19.